

TUZLANSKI KANTON  
SKUPŠTINA  
NEZAVISNI ODBOR

**IZVJEŠTAJ**  
O RADU NEZAVISNOG ODBORA ZA PERIOD  
JULI - DECEMBAR 2023. GODINE

Tuzla, mart 2024. godine

## **Izvještaj o radu Nezavisnog odbora za period juli - decembar 2023. godine**

Djelokrug rada Nezavisnog odbora definisan je odredbama Zakona o unutrašnjim poslovima Tuzlanskog kantona („Službene novine TK“ br. 4/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18). Shodno Zakonu, Nezavisni odbor je tijelo Skupštine Tuzlanskog kantona koje provodi postupak izbora i smjene direktora Uprave policije, te vrši nadzor nad njegovim radom. Nezavisni odbor predlaže i godišnju ocjenu rada direktora Uprave policije, prima žalbe na rad direktora Uprave policije, sačinjava detaljan izvještaj o radu direktora Uprave policije svaka tri mjeseca, koji dostavlja ministru i Vladi Tuzlanskog kantona, te sačinjava izvještaj o svom radu svakih šest mjeseci i dostavlja ga Skupštini Tuzlanskog kantona.

Članom 31. Zakona o unutrašnjim poslovima Tuzlanskog kantona propisano je da Nezavisni odbor sačinjava izvještaj o svom radu svakih šest mjeseci i dostavlja ga Skupštini Tuzlanskog kantona.

U navedenom periodu Nezavisni odbor je održao šest (6) redovnih sjednica.

U vršenju obaveze nadzora nad radom direktora Uprave policije, Nezavisni odbor je razmatrao mjesečne informacije o stanju sigurnosti na području Tuzlanskog kantona za drugu polovinu 2023. godine, tromjesečne izvještaje o radu direktora Uprave policije u 2023. godini, te informacije direktora Uprave policije po zaključcima Nezavisnog odbora. Razmatrano je sljedeće:

- Informacija o stanju sigurnosti na području TK za mjesec maj 2023. godine;
- Zahtjev za dostavu podataka upućen od strane sudskog vještaka;
- Izvještaj o radu direktora Uprave policije MUP TK za period janur-februar-mart 202. godine;
- Informacija o stanju sigurnosti na području TK za mjesec juni 2023. godine;
- Zahtjev načelnika općine Banovići za provođenje istarge protiv direktora Uprave policije MUP TK i komandira PS Banovići;
- Sačinjen i Vladi Tuzlanskog kantona dostavljen izvještaj o radu direktora Uprave policije za period janur-februar-mart 202. godine;
- Informacija o stanju sigurnosti na području TK za mjesec juli 2023. godine;
- Informacija o stanju sigurnosti na području TK za mjesec august 2023. godine;
- Upoznavanje sa prijavom građanina Salkić Dževada iz Čelića;
- Izvještaj o radu direktora Uprave policije MUP TK za period april - maj - juni 2023. godine;
- Informacija o stanju sigurnosti na području TK za period april - maj - juni 2023. godine;
- Informacija o stanju sigurnosti na području TK za mjesec septembar 2023. godine;
- Upoznavanje sa odgovorom direktora u vezi sa prijavom Salkić Dževada, te iz razmatranje nove prijave istog podnosioca proslijeđene od strane Odbora za žalbe građana Parlamentarne skupštine BiH;
- Sačinjen i Vladi Tuzlanskog kantona dostavljen izvještaj o radu direktora Uprave policije za period april - maj - juni 2023. godine;
- Informacija o stanju sigurnosti na području TK za mjesec oktobar 2023. godine;
- Utvrđivanje prijedloga godišnje ocjene rada direktora Uprave policije za period od 01.12.2022. do 30.11.2023. godine.

Na 21. sjednici održanoj 14.07.2023. godine Nezavisni odbor je razmatrao informaciju o stanju sigurnosti za mjesec maj 2023. godine. Tom prilikom članovi su konstatovali da je iz informacije vidljivo da je stanje sigurnosti prema statistikama slično kao u maju 2022. godine. U mjesecu maju povećan je broj saobraćajnih kontrola te s tim u vezi posebno je procijeniti ulogu vozila "presretača" kad je u pitanju kontrola saobraćaja i djelovanje na savjesno ponašanje vozača. Također, razmatran je odgovor direktora Uprave policije vezano za pojačane kontrole saobraćaja u kasnim noćnim satima na lokacijama koje su inicirane kao mjesta gdje se izvode „ulične trke“. Nakon okončanja diskusije informacija o stanju sigurnosti za mjesec april 2023. godine primljena je k znanju. Razmatran je i zahtjev za dostavu podataka zaprimljen od strane vještaka Tanović Sabine o broju i datumima održavanja sjednica Nezavisnog odbora, te je usvojen zaključak kojim se dostavljaju tražene informacije. Na sjednici se raspravljalo o aktuelnim dešavanjima na području TK, te je konstatovano da na narednoj sjednici na kojoj će prisustvovati i direktor Uprave policije o istima zatraže informacije od direktora Uprave policije.

Na 22. sjednici održanoj 31.08.2023. godine Nezavisni odbor razmatrao je Izvještaj o radu direktora Uprave policije za period januar-februar-mart 2023. godine. Sjednici je prisustvovao i direktor Uprave policije Dževad Korman koji je obrazložio informacije iz izvještaja, te kroz diskusiju članova Nezavisnog odbora davao detaljnije informacije o aktuelnim dešavanjima i poduzetim radnjama unutar Uprave policije kao i očuvanja stanja sigurnosti na području Tuzlanskog kantona. Upoznao je Odbor da u Upravi policije nedostaje kadrova i to 460 službenika prema Pravilniku o unutrašnjoj organizaciji i sistematizaciji radnih mjesta, te da je za tri mjeseca izdato oko 20 rješenja o prestanku radnog odnosa zbog ispunjavanja jednog od zakonskih uslova za penzionisanje. Prilikom razmatranja informacije o stanju sigurnosti za mjesec juni 2023. godine Nezavisni odbor je od strane direktora Uprave policije upoznat s činjenicom povećanja broja saobraćajnih nezgoda sa smrtnom posljedicom u odnosu na isti period prethodne godine. Ono što je obilježilo mjesec juni u oblasti sigurnosti su dešavanja u JU OŠ Lukavac Grad (upotreba oružja od strane maloljetnika i ranjavanje nastavnika), te je Odbor upoznat da se u PS Lukavac još uvijek radi na provjerama u vezi sa eventualnim propustima policijskih službenika oko oduzimanja oružja koje je ostalo iza umrlog lica. Vezano za zahtjev načelnika Općine Banovići za provođenje istrage protiv direktora Uprave policije MUP TK i komandira Policijske stanice Banovići Nezavisni odbor je donio zaključak da se o navodima iznesenim u zahtjevu zatraži izjašnjenje direktora Uprave policije, i da se povratne informacije Nezavisnom odboru dostave u što kraćem roku, kako bi Nezavisni odbor zauzeo stav i o istom izvijestio podnosioca zahtjeva.

Na 23. sjednici održanoj 21.09.2023. godine Nezavisni odbor je jednoglasno prihvatio tekst sačinjenog Izvještaja o radu direktora Uprave policije za period januar-februar-mart 2023. godine i isti je u skladu sa odredbom člana 43. stav 2. Zakona o unutrašnjim poslovima Tuzlanskog kantona dostavljen Vladi Tuzlanskog kantona i Ministarstvu unutrašnjih poslova Tuzlanskog kantona. Također, prihvaćen je tekst Izvještaja o radu Nezavisnog odbora za period januar-juni 2023. godine koji se dostavlja Skupštini Tuzlanskog kantona. Razmatrana je informacija o stanju sigurnosti za mjesec juli 2023. godine za istu je konstatovano da je potpuna te da podaci ne odstupaju od podataka za isti period prethodne godine, nakon diskusije ista je primljena k znanju. Nezavisni odbor je upoznat sa odgovorom direktora Uprave policije u vezi zahtjeva načelnika Općine Banovići za provođenje istrage protiv direktora Uprave policije MUP TK i komandira Policijske stanice Banovići, te je Nezavisni odbor zaključio da podnosiocu zahtjeva dostavi obavijest u prilogu koje će dostaviti i odgovor direktora Uprave policije. U obavijesti je, između ostalog, navedno da je o svemu poznato Kantonalno tužilaštvo koje je nadležno za utvrđivanje osnovanosti navoda iznesenih u zahtjevu, te eventualnog utvrđivanja i krivične odgovornosti lica za koja je zahtjevom naznačeno da traži provođenje istrage. Nezavisni odbor je zaključio da nema nadležnost propisanu u Zakonu o unutrašnjim poslovima Tuzlanskog kantona za postupanje po zahtjevu, te je okončao rad na istom.

Na 24. sjednici održanoj 24.10.2024. godine razmatrana je informacija o stanju sigurnosti za mjesec august 2023. godine, tom prilikom je konstatovano da informacija obuhvaća aktuelne događaje iz mjeseca augusta, i to dva tragična događaja koja su se desila u augustu mjesecu, a koja su dala pečat ovoj informaciji (događaji u Gradačcu i Živnicama). Ono što je ocijenjeno zabrinjavajućim je povećan broj nasilja u porodici te u tom segmentu trebalo bi poduzeti konkretnije mjere. Nasilje u porodici sve je češća pojava u našoj sredini te je sve češće predmet istrage policije, koja se provodi pod nadzorom tužilaštva. Raspravljano je da prilikom provođenja istraga i prikupljanja dokaza treba vodit računa da policijski službenici maksimalno posvećeno, odgovorno i profesionalno rade na takvim slučajevima, kao i na provođenju zaštitnih mjera prema počinicima nasilja u porodici a koje su u nadležnosti policije. Konstatovano da na narednoj sjednici na kojoj će prisustvovati i direktor Uprave policije o navedenim događajima se dobiju dodatne informacije od strane direktora Uprave policije. Vezano za prijavu Salkić Dževada iz Čelića odlučeno je da se prijava dostavi na dalje postupanje direktoru Uprave policije MUP TK, kako bi u okviru svojih nadležnosti izvršio provjeru navoda iz prijave i o tome izvijestio Nezavisni odbor.

Na 25. sjednici održanoj 20.11.2023. godine razmatran je Izvještaj o radu direktora Uprave policije MUP TK za period april-maj-juni 2023. godine. Sjednici je prisustvovao i direktor Uprave policije Dževad Korman koji je obrazložio informacije iz izvještaja, te kroz diskusiju članova Nezavisnog odbora davao informacije o aktuelnim dešavanjima i poduzetim radnjama unutar Uprave policije kao i očuvanja stanja sigurnosti na području Tuzlanskog kantona. Tokom rasprave zatražena je informacija vezano za konkurse za prijem novih policijskih službenika, tom prilikom direktor je upoznao članove sa planiranim aktivnostima koje Uprava policije namjerava provoditi u narednom periodu u cilju upošljavanja novog kadra. Razmatrana je Informacije o stanju sigurnosti za period april-maj-juni 2023. godine, i ista je primljena k znanju jer se radi o zbirnoj informaciji, a mjesečne informacije je Odbor već ranije razmatrao i imao priliku upoznati se sa stanjem sigurnosti. Osim toga, razmatrana je informacija o stanju sigurnosti na području Tuzlanskog kantona za mjesec septembar 2023. godine. Vezano za ovu informaciju uvodno izlaganje je podnio direktor Uprave policije, te je otvorena rasprava o pitanjima iz oblasti sigurnosti saobraćaja, stanja kriminaliteta te javnog reda i mira, na kraju Nezavisni odbor navedenu informaciju primio je k znanju.

Na 26. sjednici održanoj 19.12.2023. godine Nezavisni odbor je jednoglasno prihvatio tekst sačinjenog Izvještaja o radu direktora Uprave policije za period april-maj-juni 2023. godine i isti je u skladu sa odredbom člana 43. stav 2. Zakona o unutrašnjim poslovima Tuzlanskog kantona dostavljen Vladi Tuzlanskog kantona i Ministarstvu unutrašnjih poslova Tuzlanskog kantona. Razmatrana je informacija o stanju sigurnosti na području Tuzlanskog kantona za mjesec oktobar 2023. godine, te je konstatovano da je na prethodnoj sjednici direktor Uprave policije usmeno već upoznao Odbor sa stanjem sigurnost u mjesecu oktobru, i navedena informacija je primljena k znanju. Shodno članu 44. stav 1. Zakona o unutrašnjim poslovima Tuzlanskog kantona Nezavisni odbor predlaže godišnju ocjenu rada direktora Uprave policije, a na osnovu kriterija utvrđenih Zakonom o policijskim službenicima Tuzlanskog kantona i Pravilnikom o ocjeni rada policijskih službenika Ministarstva unutrašnjih poslova Tuzlanskog kantona. S tim u vezi, članovi Nezavisnog odbora dostavili su obrasce na kojima su izvršili pojedinačno ocjenjivanje rada direktora Uprave policije, te je na osnovu pojedinačnih obrazaca Odbor jednoglasno utvrdio prijedlog godišnje ocjene rada direktora Uprave policije za period 01.12.2022. do 30.11.2023. godine koji je upućen Vladi Tuzlanskog kantona i Ministru unutrašnjih poslova.

Broj: 02-02-183-3/24  
Tuzla, 26.03.2024. godine



Predsjednica Nezavisnog odbora

Dr. sc. Anita Petrović, dipl. pravnik